

aliqua earum civitatum, et judicatus fuerit homicida in aliqua earum in qua fugere conceditur, et esse ibi non sinitur: tum jam demum judicatum, ubicumque compertum propinquu licet occidere. Neque enim opus est eum ad judicium deduci, cum jam fuerit judicatus homicida, et propterea de istis civitatibus pulsus sit.

Aug. sententiam probat Estius ex hoc ipso capite: dicitur enim y. 22: Quod si fortuit, et absque odio, et inimicitia quidquam horum fecerit, et hoc (nota) audente populo fuerit comprobatum..... liberabitur innocens de manu ulti. Et clarius infra y. 50: Homicida sub testibus punietur: ad unius testimonium nullus condemnabitur.

Itaque cum quis alterum occidisset, propinquus occisi, si volebat vindicare eadem, tenebatur prius jure agere adversus illum; et si hic declararet reus, tum quidem poterat illum occidere, idque proprio ministerio.

## CAPUT XXXVI.

Præscribit Deus ut generatim omnes filiae que in paternam hæreditatem succident, nubant contributibus suis.

QUESTIO UNICA. — AN OMNES HEBREI, TAM VIRI QUAM FEMINE DEBURNINT ACCIPERE CONJUGEM EX SOLA SUA TRIBU.

Occasione filiarum Salphaad, de quibus supra cap. XXVII, Q. 1, actum est, statuit Deus hoc cap., y. 7, hanc legem: Ne commisceatur possessio filiorum Israel de tribu in tribum. Omnes enim viri ducent uxores de tribu et cognatione sua: y. 8: Et cunctæ feminæ de eadem tribu maritos accipient, ut hæreditas permaneat in familiis. Legem hanc generaliter intelligunt Lyranus et Abulensis, qui ab hac universalis lege excipiunt solos levitas, idque vel ob solam dignitatem tribus Levi, ut vult Lyranus; vel quia tribus Levi, in terra promissionis nullam omnino habebat possessionem, que per connubia distrahi posset, et transire ad alias tribus, ut vult Abulensis. Opinionis hujus fundamen- tum desumitur ex verbis textus, que generaliter videtur. Attamen

R. et dico: Lex præfata tantum intelligenda est in easu Moysi proposito, dum scilicet agitur de marito dando mulieri, que sit paternorum bonorum hæres: hæc enim tantum intra tribum suum nubere poterat.

Prob. I. Ex occasione Legis: quia de talibus feminis, et non de aliis proponebatur quæstio: dicebat

enim tribus Manasse quod si filiae Salphaad, que debant accipere hæreditatem patris sui, nupsissent viris ex alia tribu, ista hæreditas transivisset ad aliam tribum: ubi autem filiae non habebant hæreditatem, hæc questio locum non habebat.

Prob. II. Ex ratione legis que subjicitur: Ut hæreditas permaneat in familiis. Ad hoc autem sufficit, ut feminæ, que hæredes sunt, non nubant in alia tribu: impertinens vero est id ipsum ad alias omnes extendere.

Prob. III. Ex textu hebraico, ubi sic habetur y. 8: Omnis filia hæreditans hæreditatem de tribibus filiorum Israel, uni de familia patris sui erit in uxorem, ut accipiant hæreditatem filii Israel unusquisque hæreditatem patrum suorum. Sic etiam habent chaldaeus et LXX.

Alioquin cum filiabus non hæreditantibus licuisse viris de alia tribu contrahere matrimonia, exemplis plurimis constat. Sic David, qui fuit de tribu Juda, duxit Michol filiam Saül, qui erat de tribu Benjamin: mo extra tribum suam duxit gentilem, scilicet filiam regis Gessuri, II Reg., III, 5. Sic Elisabeth de filiabus Aaron vocatur ab angelo cognata B. Virginis Mariæ, que erat ex progenie David. Sic Booz de tribu Juda duxit Ruth Moabitidem, viduam sui cognati: et Judie. XXI jurant undecim tribus se non daturas filias suas Benjaminitis: hoc autem jurare non debuissent, si fuisset prohibitum. Hinc Deut. XXI, 11, permittitur Judæis ducere virginas alienigenas bello captas præterquam Chanaanites.

Nec dicas in illis dispensatum fuisse: quia neque istius dispensationis fundamenta adduci possunt, neque ad omnia jam dicta extendi: non enim solent leges dispensationem admirtere tam universalem. Unde Saül promisit filiam suam persecuti Philisthaem, ex quacumque tribu esset, I Reg. XVII: adeoque nec talis dispensatio fuit pro sola tribu Levi et Juda, ut aliqui putant.

Porro ex textu hebraico supra citato colligitur filias hæredes, deficiente prole mascula, debuisse nubere non tantum in eadem tribu, sed etiam in eadem familia, ex qua erat, pater earum, ne scilicet hæreditas transivisset ad exteris familias, sed in familia patris maneret consanguineis, qui ad eam jus habebant. Unde, v. g., filia hæres, de familia Hesronitarum, non poterat nubere viro, qui erat de familia Hamulitarum, tametsi duæ istæ familiæ essent de eadem tribu, scilicet de tribu Juda.

## DILUCIDATIO IN LIBRUM DEUTERONOMII

### Præfatio.

Quintus, isque ultimus Pentateuchi liber, more Hebreis consueto, a sui initio vocatur ELLE HADDEBARIM, id est, *hec sunt verba*. Græci, quos sequuntur

Latinis, vocant DEUTERONOMIUM, id est, secunda lex: nam quia omnes viri bellatores, qui legem in monte Sinai datum audiverant, jam mortui erant, ideo Moy-

ses legem hic ipsum filiis repetit, una cum sollicita obtestatione ad seriam illius observantiam: unde haec secunda legis promulgatione iterato Deus cum Hebreis novum fœdus init; ut dicitur cap. XXIX, 4.

Item facta est repetita legis promulgatio, ut altius postrema monita Moysis legislatoris menti populi in-

## PARS QUINTA.

### CAPUT PRIMUM.

Hoc, et duobus sequentibus capitibus Moyses Israelit ob oculos ponit, et repetit casus, et gesta 40 annorum; ita quidem, ut præsenti capite potissimum tractet gesta in Horeb et Cadesbarne.

QUESTIO UNICA. — QUIDUS, UBI, ET QUANDO MOYES HANC LEGEM PROMULGAVERIT; ET QUINAM HIC DICANTUR TERRINI TERRE PROMISSE.

Vers. 1: *Hæc sunt verba, que locutus est Moyses.* Habet se Deuteronomium instar concionis viva voce factæ: simul autem vel ante, vel circa idem tempus Moyses exaravit, quo promulgavit; ut eruitur ex cap. XXXI, 9.

Dico 1. Non solis principibus populis, ut vult Estius, sed toti populo locutus est Moyses.

Prob. I. Quia y. 1. dicitur: *Ad omnem populum;* ita ut non sine miraculo vox Moysis fuerit ab omnibus auditæ et intellecta, id est, a duobus vel tribus hominum millionibus, ut censem Abulensis, Marius, et alii; ergo, etc.

Prob. II ex cap. XXIX, 10 et 11, ubi dicit Moyses: *Vos statis hodie cuncti coram Domino Deo vestro, principes vestri, et tribus, et maiores natu, atque doctores, omnis populus Israel, liberi, et uxores vestrae.* Ergo omnibus omnino Israelitis locutus est Moyses.

Unde ratio Estii non obstat, nempe quod fuisse impossibile a tanta multitudine audiri: cum admittimus id non sine miraculo factum esse.

Dico 2. Moyses hæc locutus est, ut dicitur y. 1, *Trans Jordanem in solitudine campestri, contra mare Rubrum;* id est, e regione vel ex adverso maris Rubri; quamvis hæc campestria Moab longissime ab eo distarent. Meminit autem maris Rubri, ut in memoriam revocet Dei beneficia populo præstata, etc.

Dico 3. Juxta y. 3, Moyses Deuteronomium promulgavit quadragesimo anno (ab egressu de Ægypto), undecimo mense, prima die mensis. Mensis hic fere correspondet nostro januario, vel saltem pars ejus incidere solet in januario.

Dico 4. Termini terræ promissæ hic assignantur y. 7: *Usque ad fluvium magnum Euphraten.* Ponitur hic Euphrates pro termino Euro aquilonari, qui ultra Libanum inter aquilonem et orientem porrigitur.

Dices: Numer. XXXIV et alibi, longe angustioribus terminis terra promissa definita: et abunde constat, quod Hebrei nunquam, nequidem tempore Salomonis,

sedes aut habitationem ad Euphratem usque protulerint.

R. Argumentum hoc duobus modis solvi posse. Primo, digendo cum S. P. Aug. Q. 21 in Josue, duplum fuisse terram Hebreis promissam: nam una fuit quasi hæreditaria, quamque ut propriam inhabitaverunt, et illa strictioribus terminis finiebatur, scilicet a Dan usque Bersabee, et ab introitu Emath usque ad torrentem Ægypti.

Altera ultra hos fines protendebatur, sed erat tantum tributaria Hebreis sub Davide, et Salomone, qui eo usque dominabantur. Hinc II Reg. VIII, 5, dicitur: *Et percussit David Adarezer filium Rohob, regem Soba, quando profectus est ut dominaretur super flumen Euphraten.* De Salomone vide lib. III Reg., cap. IV, 21, et Josephum, lib. VI Antiq., cap. 2. Item vide ea, quæ in mox citat. cap. lib. Reg. dicentur.

Si ergo, inquit S. P. Aug. Q. 21 in Josue, fuerat constitutum filii Israel, ut septem gentium terras, exterrimatis et perditis illis gentibus, ipsi inhabitarent: alii autem regnarent subditis, atque tributariis, usque ad Euphratem. Numerantur hæc septem gentes infra cap. III, 4.

Aliam solutionem ex S. Hieron. epist. 129 ad Dardanum afferunt Serarius, Natalis Alexander, et alii, scilicet ad Euphratem usque, terram omnem Hebreis quasi hæreditariam et propriam fuisse promissam;

sed sub conditione, si in fide et cultu Dei constantes permanerent, ut expresse Deus declarat infra c. XIX, 8 et 9: quod quia non fecerunt, non mirum est promissionem hanc re ipsa adimplerat non fuisse; quin potius ob tam frequentem in idolatriam relapsum, vix unquam angustiores illos fines integre possedisse. Quamvis hæc secunda solutio admodum probabilis sit; prima tamen, utpote probabilior, præferenda videtur.

4. Quia nullibi arguntur Hebrei quod non deleverint gentes, que habitabant a montibus Galaad (qui erant termini trans Jordanem) usque ad Euphratem: et tamen omnes illæ tribus arguntur, que non deleverunt gentes habitantes in illa portione terræ, quæ ipsis cesserat in possessionem hæreditariam, ut videri potest lib. Judic. cap. I: ergo terra illa, quæ sita est inter montes Galaad et Euphratem, non fuit Hebreis promissa quasi hæreditaria et propria, sed tantum tanquam tributaria.

2. Quia quidquid in angustioribus illis finibus sua

culpa non possederunt, sicut tamen illis assignatum et divisum; ut patet ex libro Josue: sed terra trans montes Galaad usque ad Euphratrem (quae multo maior est, quam tota terra promissa) nullibi ipsis assignatur et dividitur; quin imo montes Galaad ponuntur termini trans Jordanem, Josue XIII: ergo, etc.

Id autem quod ex cap. XIX pro secunda sententia citatum est, exponetur infra suo loco, ubi etiam dicetur quomodo S. Hieron. conciliari possit cum S. Augustino.

## CAP. II, III, IV, V.

*Moyses recenset transitum Hebreorum per extremos fines Idumææ; agitque de obduratione Schon regis Amorrhæorum: æstuat desiderio intrandi terram promissionis; extollit gentem israeliticam præ cæteris nationibus: et in memoriam revocato pacto divino, repetit Decalogum.*

## QUÆSTIO PRIMA. — DE TRANSITU PER IDUMÆAM, ET DE GIGANTIBUS.

Cap. II, 1: Circuivimus montem Seir longo tempore: id est, montes Idumææ, ita vocatos ab Esæ, qui Edom, id est, rufus, et Seir, id est pilosus, erat.

¶ 4: Transibitis per terminos fratrum vestrorum filiorum Esæ. Dicitur tamen Numer. XX, 21, quod rex Edom transitum eis per Idumæam pertinaciter negaverit. Apparentem hanc contradictionem ita solvunt interpres cum Estio, scilicet: quamvis Idumæi primo negaverint Israëlit transitum per interiora regni, postea tamen, ut hic patet ex ¶ 8 et 29, illis concederunt transitum per extremos Idumæas fines.

¶ 10: Emin primi fuerunt habitatores ejus, scilicet terra Moabitum. Emin autem dicti sunt quasi terribiles. Oleaster vero putat illos ita vocatos a voce hebraica *Anima*, quæ significat cubitum, quasi dicas: Viri cubitorum, scilicet multorum.

¶ 20: Terra gigantum reputata est: et in ipsa olim habitaverunt gigantes, quos Ammonites vocant Zomzommim. Hebraice habetur: *Zamzummim*, quod derivatur a *Zazam*, quod significat cogitare, moliri, maxime scelus aliquod: unde vox Zomzommim significat 1, sceleratos, 2, inusitatæ magnitudinis, 3, famosos et celebres.

Porro istorum gigantum meminit Moyses, ut fiduciam faciat Israëlit de expellendis gigantibus e terra promissa, quasi diceret: Esæ et Loth non erant Deo adeo dilecti, sicut Abraham et Jacob, et tamen Idumæi filii Esæ, et Moabitas ac Ammonites filii Lot potuerunt expellere famosos illos gigantes: et vos filii Abraham et Jacob Deo dilectissimorum, non poteritis expellere Chananæos?

Cap. III, 11: Solus quippe Og rex Basan restiterat de stirpe gigantum. In textu hebraico habetur: *De stirpe Raphaim*. Videtur ex hoc textu sequi, nullum amplius superfuisse gigantes.

Dicendum tamen, quod solum hic negetur, quemquam superfuisse de una illa stirpe gigantea Raphaim,

idque in regione illa, scilicet Basan, cum antea tempore Abrahæ, Gen. XIV, isti Raphaim totam illam regionem occuparent, qui deleti sunt a Chedorlaho- mor, loco cit. ¶ 5.

Unde non obstat, quominus in illa regione, quæ trans Jordanem erat, scilicet in Chanaan, eodem tempore, et diu post superstites essent gigantes ex alia triplici stirpe, v. g., de posteris Enacim, Emim, et Zomzommim. Imo tempore Davidis quosdam Raphaim superfuisse, patet I Paralip. XX, 6.

Porro de lecto Og, predicto ¶ 11, addit Moyses: *Monstratur lectus ejus ferreus, qui est in Rabbath filiorum Ammon, novem cubitos habens longitudinis, et quatuor latitudinis, ad mensuram cubiti virilis manus*. Quibusdam interpretibus, inter quos Marius et Jansenius, lectus hic videtur congrue accipi posse pro lecto funebri, in quo cadaver ejus juxta mores antiquorum, cum aromatibus combustum est.

Sed quandoquidem ille Og cum omni populo suo deletus fuerit ab Israëlit; non apparet quis caderi ejus tantum honorem adhibuisset. Unde si quis de lecto usuali, quo utebatur quotidie, id intelligat, adversari nolunt auctores citati.

## QUÆSTIO II. — AN MOYES PECCAVERIT POSTULANDO INGRESSUM IN TERRAM PROMISSAM.

Resp. negative, nam verba illa cap. III, 25: *Transibo igitur, et videbo terram hanc optimam trans Jordanem*, non continent nisi orationem postulantis; unde hebraice habetur: *Transeat quæso et videam*.

Et montem istum egregium. Videtur Moyses loqui de monte *Moria*, quem ascendit Abraham ut immolaret filium suum Isaac, et ubi postea templum adificandum erat.

Dices: Cum Moysi jam ante predictum esset quod terram Chanaan non esset ingressurus, idque ob incredulitatem: videtur hic iterum fuisse incredulus, quasi non crederet futurum quod Deus prædixerat.

R. Neg. assumpt.; nam cum predictiones divinae, quibus poena vel afflictio prædictur, non sint semper definitiæ, sed frequenter tantum comminatoriae, sicut illud ad Ezechiam: *Morieris tu, et non vives*: potuit fieri ut Moyses sententiam Dei tanquam comminatoriam intellexerit; aut saltem dubitaverit utrum esset definitiva.

Porro instanter ingressum petivit, ut veneraret illa loca, in quibus patriarchæ progenitores ejus peregrinati fuerant, in quibus Christus Dominus erat adeo dilecti, sicut Abraham et Jacob, et tamen Idumæi filii Esæ, et Moabitas ac Ammonites filii Lot potuerunt expellere famosos illos gigantes: et vos filii Abraham et Jacob Deo dilectissimorum, non poteritis expellere Chananæos?

Cap. IV, 2: *Non addetis ad verbum, quod vobis loquer, nec auferetis ex eo*. Frequenter hoc Scripturæ loco utuntur heretici, ut concludant non posse admetti traditiones, canones pontificum, præcepta Ecclesiæ, etc. Sed hanc conclusionem falsam esse,

Prob. I. Quia Moyses non dicit: *Non addetis ad verbum, quod scribo, sed, quod loquor vobis*: atque

## CAP. VII, VIII, IX, X, XI. QUÆST. I.

multa dicta fuerunt a Deo, sive jubendo, sive vetando, sive permittendo, quæ non sunt scripta in Deuteronomio, de quo solo Moyses hic loquitur; ergo perverse heretici restringunt ad verbum Dei scriptum, ut excludant traditum, et viva loquentis voce atque traditione acceptum.

Prob. II. Quia multa addi posse, et revera fuisse addita, patet ex præceptis iudicium, regum et pontificium apud Judeos, quibus ipse Moyses infra c. XVII, 12, sub pena mortis præcipit obedire; ergo.

Prob. III. Quia sequeretur quod contra istam legem peccassent Josue, et prophetæ, qui multa Pentateuchō addiderunt. Et revera dixisse Moysen, et egisse plura, quam scripsit, colligitur ex Apost. qui Epist. ad Hebr., cap. IX, 19 et seq., meminit rituum sacrorum a Moyse exercitorum, quos ipse Moyses non expressit in suis scriptis.

Non ergo prohibuit Dominus præcepta aliqua condit pro temporum opportunitate: nam sacerdotes, qui præerant, poterant jejunia indicere, ut liquet Joels II, ubi dicitur: *Sanctificare jejunium, etc.*, et in libris Esther, Judith, et Machab. multa festa addita sunt festis mosaicis: sed verba Moysis intelligenda sunt de additamento contrario repugnante, vel adulterante ea quæ hic dicta sunt: quia nempe Judæi valde proclives erant ad ritus idololatricos et superstitiosos.

Cap. V, 2 et 3: *Dominus Deus noster pepigit nobiscum fædus in Horeb*. ¶ 3: *Non cum patribus nostris iniit pactum, sed nobiscum qui in presentiarum sumus et vivimus*. Menochius putat eum loqui de veteribus patriarchis Abraham, Isaac, et Jacob, olim mortuis.

Sed quandoquidem constet Deum iniisse pactum cum Abraham, Isaac, et Jacob, ut frequentissime Scriptura testatur; et de Abraham quidem Gen. XV dicitur: *In illo die pepigit Deus fædus cum Abram*: merito queritur quis sit sensus istius Scripturæ.

Aliqui dicunt intelligentium esse pactum integræ legis servandæ. Quamvis enim patriarchæ accepissent præceptum circumcisioñis; reliqua tamen præcepta legis nondum erant illis tradita, sed ea servata, quatenus in lege naturali continebantur.

A Lapide præfert responsum, quia dicitur quod Deus in Sina pactum non iniverit cum patriarchis, qui in Ægypto, vel ante mortui sunt.

Marius putat sermonem esse de pacti observatione, quæ non incepit nisi in terra Chanaan. Ad illud enim non obligabantur patres eorum, sed tantum illi, qui jamjam terram illam ingressuri erant.

Estius cum aliis dicit sensum esse, *non cum patribus nostris, etc.*, id est, non tantum cum patribus nostris, sed etiam nobiscum. Sic Gen. XXXII dicitur: *Non vocabitur nomen tuum Jacob, sed Israel*; id est, non tantum vocaberis Jacob, sed etiam Israel: nam et postea adhuc nunc Jacob, nunc Israel vocatus est.

Sed ut contendit Jansenius, rectius videtur posse dici non cum patribus initum fuisse pactum; quia ne ipsi ex parte sua pactum observarunt, nec ex parte Dei effectum ejus percepérunt, scilicet terram, sub pacti observatione promissam, quæ jam ex parte

data fuerat, et mox tota danda erat filiis eorum.

Atque haec est solutio Theodoreti Q. 4 in Deuter. dicentis: *Nam cum illi (scilicet patres) propter transgressionem perierint; his vero (scilicet filiis) terram patribus promissam daturus esset, hisce datam esse legem asserit*. Hanc solutionem videtur pariter suggerere S. P. Aug. Q. 9 in Deuter. Aliæ tamen responsiones, saltem aliquæ, rejiciendæ non videntur.

Cap. VI, inculcat Moyses præceptum diligendi Deum ex toto corde, etc., de quo satis in theologia.

## CAP. VII, VIII, IX, X, XI.

Jubet Moyses stirpitus everti Chananæos, vetatque cum iis inire nuptias. Ad divinæ legis custodiam Israëlitas exhortatur, commemorat beneficia eis a Deo præstata: ostendit quod non propter suas justitias a Deo assumpit sint, ad possidendam terram promissam; exstimulat eos ad observationem legis, quia Deus fœderis sui tabulas apud eos depositus: terramque promissionis Ægypto præfert.

QUÆSTIO PRIMA. — QUARE PRÆCIPIATUR JUDÆIS UT EVERTANT GENTES CHANANÆORUM; ET AN NULLO CASU LICUERIT CUM EIS INIRE CONJUGIA.

Recte ait S. P. Aug. lib. XXII cont. Faustum, cap. 78: *Calumniosa imperitia Moyses reprehenditur, quod bella gesserit, qui minus reprehendi debuit, si sua sponte gereret, quam si Deo jubente non gereret*.

Moyses itaque divina auctoritate jubet deleri gentes Chananæorum, et ait ad populum Israel cap. VII, 2: *Percuties eas usque ad internectionem, tum in pœnam scelerum, tum ne vitia eorum tibi obrepant, tum ut inde colligas quid tibi sit expectandum, nisi enormia eorum criminis devites*.

¶ 3: *Neque sociabis cum eis conjugia*. Debet hic textus tantum intelligi, quandiu manent idololatræ: nam si convertantur, et ad populum Dei aggregarentur, jam Judæi erant, non Chananæi. Itaque cum iis conjugia inire nefas non erat; cessat enim tunc ratio legis, quæ datur ¶ 4: *Quia seducet filium tuum, ne sequatur me, et magis serviat diis alienis*; magis enim notum est fieri ut infidelis pervertat fidelem, quam si fidelis convertat infidelem; ut patet ex conjugiis filiorum Seth cum filiabus Cain, Gen. VI.

Proinde licuisse Judæis ducere alienigenas ad judaicam religionem transire cupientes, exempla etiam proborum virorum manifestum faciunt; nam Salmon princeps tribus Juda meretricem chananæam Rahab duxit uxorem; sic Booz duxit Ruth moabitum, et David duxit Maacham filiam Tholmai regis Gessur, de genere Chananæorum.

Dices: Etiam Samson cum philisthæa, in infidelitate sua permanente, matrimonium contraxit, ut patet ex lib. Judic., cap. XIV; ergo ex allatis exemplis nihil habetur.

R. Neg. conseq. Nam quod Samson istam philisthæam licite duxerit, ex speciali Dei instinctu, et dispensatione factum est, qui et periculum omne avertiebat, et grande bonum inde eliciebat.

## QUESTIO II. — QUÆDAM EXPLICANTUR.

Circa id quod dicitur cap. VIII, 2: *Adduxit te Dominus... quadraginta annis per desertum, ut affligeret te, atque tentaret, etc., observa quod Deus nullatenus intendat afflictionem tanquam afflictionem, sed ut probet animum hominis; non ut ipse sciat, quid in animo lateat, sed ut nos scire faciat quales erga Deum simus: sepe enim putamus nos multa et magna posse, dum nempe non tentamur; at ubi tentationibus affligimur, experimus quam simus infirmi, et quantum indigeamus divino auxilio.*

¶ 3: *Ut ostenderet tibi quod non in solo pane vivat homo, sed in omni verbo quod procedit de ore Dei. Id est, sustentavit te manna, cibo ex natura sua levissimo, et non usuali, ut ostenderet quod non indigeat pane ad nutriendos homines, sed possit alios quoquaque vult cibos uno verbo facile producere, sicut produxit manna: atque hoc sensu verba illa usurpat Christus Matth. IV, 4. Item in omni verbo significat in omni re (verbum enim pharsi hebraica usitissime sumitur pro re, ut Luce II: *Videamus hoc verbum, quod factum est*); Adeo, inquit Abulensis, ut si Deus mandaret nobis ut comederemus colubros, basiliscos, lapides, etc., melius illis, quam delicatissimis cibis nutririemur.*

SS. patres, qui cum S. Ambros. hic per verbum Dei intelligunt sacram Scripturam, explicant sensum mysticum, non litteralem.

¶ 4: *Pes tuus non est subtritus. Sumitur hic pes non tantum pro calceo, sed etiam pro pede ipso: nam in hebreo pro non subtritus ponitur non intumuit. Significatur ergo quod pedes Israelitarum in toto itinere per desertum non sint lesi, aut attriti, sicut solent laedi pedes itinerantium: siquidem hi solent in pedibus contrahere turgentes vesicas, quæ prius inflantur, quam subterantur: rursum solent diu ambulando pellem pedum deterere.*

De Chananeis mox delendis, ita loquitur Moyses cap. IX, 2: *Populum magnum atque sublimem, filios Enacim, quos ipse vidisti, et audisti, quibus nullus potest ex adverso resistere: si nempe solis hujus viribus pugnetur.*

Ex hisce collige exploratores non omnino falsa retulisse de isto populo: nam eadem fere hic Moyses affirmat, quæ ipsi retulerant, et Og regem Basan gigantem terribilem modo viderant, et expugnaverant: sed exploratores in eo peccarunt, quod narrationem suam componerent ad frangendum cor populi; cum ex adverso debuissent populum animare, et excitare in spem bonam iuxta Dei promissa; sicut fecit Moyses hic, qui proinde haec narrando non peccavit. Item ipsi detrahebant terræ, quod devoraret habitatores suos, et proceritatem incolarum plus justo extollebant.

QUESTIO III. — AN SEPARATIO LEVITARUM, DE QUA HIC CAP. X, SIT EADEM, QUÆ VIVENTE AARONE FACTA EST.

Resp. Verisimilius affirmative, et  
Prob. Quia a ¶ 1 usque ad 6 narrat Moyses, quo-

modo legem in monte accepit, et descenderit, tum recenset alias castrametationes, et deinde ¶ 8 rediens ad narrationem suam, quam ¶ 6 interrupit, dicit: *Eodem tempore separavit (Dominus) tribum Levi ut portaret arcam fœderis Domini, et staret coram eo in ministerio, etc.; atqui illa separatio facta est post primum descensum Moysis de monte, dum levites occiderunt adoratores vituli aurei: ergo.*

Quod autem Moyses narrationem suam paulo interrumpt, patebit sequentibus.

Dices: Moyses ait ¶ 7: *Fili Israel ex Mosera venerunt in Gadad: de quo loco profecti, castrametati sunt in Jetebatha, in terra aquarum et torrentium. ¶ 8: Eodem tempore separavit tribum Levi, etc. Ergo eodem tempore separatio haec contigit, quo castrametabantur in Jetebatha: alias enim non esset contextus narrationis: aut saltem dicendum est quod in Jetebatha facta fuerit confirmatio separationis factæ in Sina.*

R. Neg. conseq. ac dico castrametationes illas, quæ narrantur ¶ 6 et 7, esse includendas parenthesi: nam a ¶ 1 usque ad 6 narrantur ea quæ in Sina contigerunt, usque ad primum descensum de monte, tum ¶ 6 et 7 narrantur istæ castrametationes in Mosera, Gadad, et Jetebatha: versu autem 8 narratur separatio levitarum, et deinde reliqua omnia, quæ contigerunt in Sina: nam ¶ 10 dicit Moyses quomodo postea steterit iterum 40 diebus in monte Sinai, etc.; atqui in Jetebatha non stetit 40 diebus in monte Sinai, deprecans Deum pro peccato populi, etc., ergo non agit de diversa separatione tribus Levi; sed sensus ejus est hic: Venimus in montem Sinai, ibi accepi tabulas legis (filii Israel castrametati sunt in Mosera, Gadad, et in Jetebatha) eodem tempore separati, seu electi sunt levites, quia idololatras occiderunt; ego autem iterum ascendi in montem, et deprecatus sum Dominum pro peccato vestro 40 diebus, etc.

## QUESTIO IV. — DE FERTILITATE TERRÆ PROMISSE; ITEM DE PLUVIA TEMPORANEA, ET SEROTINA.

Cap. XI, 10: *Terra enim ad quam ingredieris possidendum, non est sicut terra Ægypti: id est, plana et irrigua, ita ut sicut Ægyptus, possit statim temporibus per exundantium fluviorum irrigari, sine pluvia.*

¶ 11: *Sed montuosa est, et campestris, de cœlo expectans pluvias.*

¶ 12: *Quam Dominus Deus tuus semper invisit. Allegat haec Moyses, ut ostendat, quod præ aliis gentibus debeant Judæi speciatim Deum colere, quia terra eorum hoc exigit: si enim Deum habeant iratum, inutilis est; si propitium, utilissima.*

¶ 13: *Si ergo obedieritis mandatis meis. Insinuat his verbis, quod magna illa ubertas terræ promissæ potissimum ex peculiari benedictione divina profluxerit: unde ¶ 17 Deus minatur eam se subtracturum, et sæpe subtractam in prophetis invenimus, ut Aggæi I, 9, Amos IV, 7, Jerem. XII, 13, atque id ipsum præsentis temporis experientia satis comprobat: tanta*

enim est vastitas ejus, et ariditas, ut vix quisquam crederet tantam olim fuisse ejus fertilitatem, nisi divina eloquia id testarentur. Sic Pentapolis olim fertilissima, ob peccata, in mare fœtidum et mortuum versa est.

¶ 14: *Dominus dabit pluviam terræ vestræ temporaneam, et serotinam, ut colligatis frumentum, et vinum, et oleum. Per pluviam temporaneam intelligitur illa, quæ mature et tempestive mense octobri, jactis in terram seminibus, in Judæa defluit, atque adeo semina germinare facit: per serotinam vero intelligitur illa, quæ sero, id est mense aprilii, vel maio defluit, fructusque ad maturitatem ducit. Sub utraque haec pluvia omnis alia opportuna comprehenditur. Hinc*

*Nota quod non vocetur temporanea, vel serotina respectu anni, sed respectu frugum; si enim annum consideremus, illa, quæ dicitur serotina, magis est tempestiva, utpote quæ cadit circiter mense aprilii vel maio, temporanea vero mense octobri.*

*Quia autem haec pluviae erant gratissimæ omnibus, multum desideratae et maxime necessariae: hinc apud prophetas, ut Osee III, 6, et Joel, 25, Christus utrique isti pluviae comparatur.*

## CAP. XII, XIII, XIV, XV.

*Præcipit Moyses non in montibus et lucis, sed in loco, ad id a Deo designando, offerri victimas, decimas, et primicias: jubet interfici prophetam, qui altis idololatriam persuadere nittitur; repetit legem de animalibus mundis, et immundis: agitque de anno remissionis.*

## PROPONUNTUR ET RESOLVUNTUR VARIE QUÆSTIONES.

Quæres I. Quomodo Deus cap. XII, 17, permittat Judæis comedere ex decimis, quandoquidem eas alibi assignet levitis.

R. hanc questionem optime solvi a S Hieron. in cap. XLV Ezechiel., ubi cum primo locutus fuisse de decimis, quæ debebant dari levitis, tandem de illis decimis, de quibus hic est sermo, ita scribit: *Erant quoque et aliae decimæ, quas unusquisque de populo Israhel in suis horreis separabat, ut comedret eas, cum iret ad templum, in urbe Jerusalem, et in vestibulo templi, et sacerdotes ac levitas invitaret ad convivia.*

Dicendum ergo est, quod etiam sustinet Theodoretus Q. 13 in Deuter. quod Scriptura hic loquatur de aliis decimis et primicias, quam de eis, quæ totæ cedebant levitis.

Dices: Additur, primogenita armentorum; atqui illa cedebant tota sacerdotibus, ut patet Numer. XVIII, 17: ergo, etc.

R. verba objecta intelligenda esse de primogenitis non immolabilibus, ut si essent generis feminini, vel mascula non integra, aut maculata, etc.

Q. 2. de quo propheta agatur cap. XIII, 4, ubi dicitur: *Si surrexerit in medio tui propheta.*

R. quod videatur agi tam de propheta vero, quam de falso: nam id innuitur ¶ 2, ubi dicitur: *Et evenierit quod locutus est, et dixerit tibi: Eamus et sequamur Deos alienos: siquidem sensus est: Sive propheta*

ille a Deo, sive a dæmoni sit afflatus, sive falsa edat prodigia ad sue impie doctrinæ confirmationem; sive vera olim ediderit ad veritatem confirmandam, atque his nomen et auctoritatem veri prophetae sibi comparaverit: si tamen postea contingat eum idololatriam suadere, quantacumque signa ediderit, et quantumcumque portenta quæ prædicterit eveniant, ¶ 3: *Non audies verba prophetæ illius, ¶ 9: sed statim interficies illum, scilicet per sententiam judicis prius condemnatum: illi enim prius denuntiandus erat, ut LXX indicant.*

Q. 3. quales decimas Moyses mandet offerri, dum dicit cap. XIV, 22: *Decimam partem separabis de cunctis fructibus tuis.*

R. cum Theodoreto Q. 13, Oleastro, Cajetano et aliis, has decimas distinctas esse ab aliis, quæ Numer. XVIII, 21 et seq., dantur levitis: nam priores tota erant levitarum, et quidem in sua specie: haec vero, de quibus hoc loco sermo est, a dominis vendebantur, et pecunia afferebatur in Jerusalem, quod singulis annis ascendere debebant, et ibi consumebatur in sacras epulas otiosi familiæ offerentis, cum levitis.

Patet hoc ex Josepho, qui usus judaici bene conscientis, lib. IV Antiq., cap. 8 ita scribit: *Sunt præterea decimæ fructuum seorsim ab illis, quæ sacerdotibus ac levitis debentur, quibus in patria venditis, pecunia inde redacta in sacra urbe insumatur in sacrificia et convivia.*

¶ 28: *Anno tertio separabis aliam decimam ex omnibus quæ nascentur tibi eo tempore. Haec sunt tertiae decimæ, quarum nullo modo erat particeps ille qui ea ex bonis suis dabit. Nam, ut colligitur ex ¶ 29, haec tertiae decimæ, quæ singulo anno tertio separabantur, dabantur pauperibus viduis, pupillis et levitis per modum eleemosynæ: et illo sensu dicitur Tobias cap I, 7, ministrasse anno tertio proselytis et advenis omnem decimationem.*

Q. 4. quomodo illa verba cap. XV, 4: *Indigens et mendicus non erit inter vos, non pugnant cum eo quod dicitur, nunquam pauperes defuturos inter illos.*

R. versus 4 non esse prædictionem, seu promissionem quod inter Judæos nullus sit futurus egenus; sed esse præceptum eleemosynæ, cui annexa sequitur beneficium; nam sensus est: Ne patiaris Judæum mendicare, sed ei subveni. Nulla ergo pugnatio est in eo, quod dicitur ¶ 21: *Non deerunt pauperes in terra habitationis tuæ: nam verbis istis nuda continetur assertio, qua ostenditur nunquam defuturos eos, in quos possint, et debeant esse liberales.*

Hinc ad præfata difficultatem solvendam, plane impertinens est urgere, quod interpres latinus primo loco vocet *indigentem et mendicem*, posteriori vero loco simpliciter *pauperem*, quasi permittantur quidem pauperes, sed non mendici: siquidem tam in hebreico, quam apud LXX est idem vocabulum denotans talem pauperem, qui rebus ad vitam necessariis caret.

Deinde apud Judæos mendicos fuisse, patet ex Joan. IX, 8, et Act. III, 2: nullibi Judæos desperuerunt scriptura reprehendit.